

论波海会之精神与作用

——尚贤堂李佳白(Gilbert Reid)博士演说词*

李佳白

世界各大宗教,皆由亚洲发源,而不自欧洲创始,故教中之仪节,亦多与亚洲近而不与欧洲同。如孔教、道教出于中国,神道教出于日本,佛教、婆罗门教出于印度,犹太教出于西亚细亚,基督教出于犹太,波斯教出于波斯,回教出于阿拉伯,是皆班班可考者。由此以观,则亚人信仰之根性,实较欧人为胜。虽今者欧陆列强,群向东方灌输其通商、传教、兴学诸术,俨然为文明之先导,然即道理之本体,宗教之根据言,则固东人为其创,而西人为其因者。

于各宗教外,在中亚细亚新发现一团体,有宗教之性质,而不立宗教之名目者,乃为波海会。译西文文义,仅为一种活动之团体。盖个中人之本旨,在重道之精神,不重教之形式,在执一至公无偏之精义,期有以贯彻于各教,而仍不打破各教之范围。不在立异矫同,而创为新奇特别之名,以自树一帜也。名为波海,特以纪创始人之姓氏耳。

按波海会始自一千八百四十四年,创始之人凡三。首者名阿利·穆罕默德,波斯人,生于一千八百十九年,迨年二十四,忽谓得上帝之默示,因创为此会,从者多信之,因奉以嘉名曰波海(编者按:此处有误,应为“巴布”),波斯语谓门也。意谓信徒从其说,乃得人道之门径也。阿利本为回教徒,然窃以为上帝之道与表示,未必尽于回教之圣经而无余蕴。上帝将来,必更降一圣书,以发明至高通行之道,藉以为各教联合之基础云。此说既盛,人乃群指其从者为叛徒。一千八百五十年,阿利遂被逮入狱,越二年即卒。自始迄今,其门徒之殉此主义而被逮以死者,盖已不下三万人焉。

其次者,人称之为波海由拉,亦为波斯之贵族,而本奉回教者。当阿利被逮,由拉及其从者亦与。初被遣至土耳其属之配辨达(编者按:巴格达)。继锢之于君士坦丁,继复移锢之于阿特来拿勃耳。迨一千八百六十八年,乃复移锢之于犹太属之阿克雷(编者按:阿卡),从之受罚者凡七十人。始严禁之于两室,后乃稍予自由,然亦不准出此地。迨一千八百九十二年,乃卒于戍所,时年已七十五矣。由拉既卒,其子波海,固与其父同罪而共罚者。至一千九百〇八年,乃始与其徒众,得蒙土政府之释放,盖被锢者已四十年矣。然诸人遭难之年,实即为其主义发展之日。波海既免于罚,乃游历欧美以播其志。而欧美两洲,暨西亚细亚之慕名以往与联合者,乃实繁有徒焉。

波海会成立之历史,既如上所述矣。若其精神与作用,则又有可得而言者。夫该会之诞生,既经

* 载《东方杂志》12卷5号《内外时报》,1915年5月。

如许之困难，受如许之屈辱痛苦。而会中分子，不惟忍受之、耐守之，且毫无愤恨报复之私焉。此与耶稣及其门徒之遭遇大略相同。而受其感化者，乃群有耐苦忍辱、不报无道之美德焉。此其为益者一也。

各宗教中，如基督教、回教等，除所谓圣贤外，又有所谓德行高洁、知识宏远、能力伟大，受上帝默示，出而为世界拯大难、为上帝布德者，而特号为先知者，如耶稣，如穆罕默德，即基督教、回教之所奉为先知者也。第基督教及回教，以为除耶稣、穆罕默德外，要无望再有先知之降临。即有之，亦惟耶稣、穆罕默德之重至耳。若波海会则以为不然，以为先知不限于于耶稣诸人。今日者世界日即于凶残危难之境，当必另有先知，奉帝命而起，以宣帝意，以拔人罪，以救人难，以助世界人类种种之不足而无缺陷者。此种理想，实足兴起各教各界之希望，而有进步之机，不至以悲观而就消极也。此其为益者二也。

波海会之宗旨，并不欲自成一教。乃欲联络各教，以研究相同之道。而同一归服于唯一之真宰者。故彼礼拜堂中，各教皆有。且明许得自由信奉一教。第须确认各教有合一之理，以为同趋于至善之根基。故该会之成立，乃完全为谋统一、望和平起见。否则若有立异鸣高，自为一教之志，则有竞争之忍，而无联合之美矣。此其为益者三也。

波海会之宗旨，又在于宽大无我。凡表同情于该会者，该会不第不劝其离原信之人，或原奉之教，且常勸其葆所固有而弗失焉。故在该会中，此教徒与彼教徒接触，不仅无诋责之声，并无抵制之意。与基督教、回教之严同异之辨者迥异。惟其然，而该会虽竟尚宽容，终不能邀土耳其、波斯二国基、回两教之宽容，乃屡逼迫而摧害之。然其善终不可没也，此其为益者四也。

若夫宝爱和平而反对一切之战役，尤为该会宗旨最大之一端。故以为两国苟不幸而至于战，当必设法救止之。若未至于战而已起齟齬，尤宜亟谋调处之。盖理也者，处于久后不败之地者也。若舍可凭之理而诉诸武力，是即显示其所凭之理为不足恃矣。故该会之用意，与海牙和平会将毋同，而反对战衅尤过之。盖纯粹崇道德而不崇势力者。此其为益者五也。（下略）